

Q U Æ S T I O M E D I C A

QUODLIBETARIIS DISPUTATIONIBUS MANE DISCUTIENDA IN SCHOLIS MEDICORUM DIE JOVIS XVIII. DECEMBRIS.

M. GUIDONE PATIN, Doctore Medico, & Professore Regio, Præfide.

An sanguis per omnes corporis venas & arterias jugiter circumferatur?

QUOD vivimus calori tribuendum, quod aliquandiu, nutritioni, quâ Natura dum perpetuò farcit quod continenter defluit, vitam quidem efficit longulam, non tamen æternam. Ad id operis nihil habet accommodatus sanguis, cujus materia chylus est, qui in ore gulæque inchoatus, & in ventriculo perfectus, in iis per quas ad sear contendit venis, aliqua jam sanguinis specie ornatus, ipsius jecoris ipsi sese exhibentis propriâ innatâque vi, totam germani sanguinis formam induit. Inde tamen lapsus in Cavam aliasque insignes venas tergetur, nitetque magis. His quippe claudi omnino amat, si sibi relinquatur, nusquam egressurus. Sed mox ut suo parenti gravis, eò depulsus est, rapitur ab aliis partibus, illo suam expleturis famem. In venis itaque movetur, non ad modum procurrens fluminis, sed perquam lentè, eoque dumtaxat gradu, quo isabit, cui succedit vicarius.

SANGUINEM perpetuò in orbem agi, è Cava ascendente in dextrum Cordis specum delabi, inde egressum in universam pulmonis substantiam excurrere, hinc per venosam arteriam ad lævum Cordis sinum iter reflectere, unde in Aortam reliquasque arterias, ut ab his in venas tradatur, in Cor jugi circuitu recursum, suave est Harvey somniantis, aut certe ingeniose ludentis commentum (quis enim operantem vidit Naturam?) nullis certis experimentis, nullo rationum pondere stabilitum. Nam quòd venæ interiores, vinculo sanguinis fundendi causâ injecto, præter morem tumeant, facit allata membro vis, dolorique comes constructio, non qui in illis restitit interceptus sanguis. Et apertâ majori arteriâ, totus quidem etiam è venis excidit sanguis, quòd per hiantia còntinuum passim venarum & arteriarum oscula transfusus, vel suo pondere, vel subitò deorsum ruat, vacuum omni corpore loco exhorrescentis impulsu excidat. Nihilò plus habent firmamenti quæ occurrunt in venis Valvulæ, quibus veluti per substratos dispositosque gradus sanguinem scandere, tum ne

SANGUINIS circuitio, & in orbem per vasâ omnia circumductio, otiosarum mentium partus, mera nubes est, quam amplexantur Ixiones, Centauros & portenta procreaturi: Mirum quippe quantum hoc uno figmento universa viventium corporum Oeconomia obscureretur, perturbetur, quàm artis Medicæ fundamenta misere convellantur: Quàm Medicus principum præsidiorum subsidii desitutus, inutilis sit, & feriatu afflicta opemque implorantem lucem oculos tantisper aperiant, facillimè cum errore, quem rei novitas attulit, Naturæ ratione depellant.

SANGUINEM toto corpore circumferri, adeo Naturæ instituto adversatur, ut assiduo isto motu universa nutritionis ratio evertatur, damnaque gravissima incurrantur. Nam si è sanguinis in venis reconditi penu semper aliquid demitur, ad id farciendum, quod è singulis excidit partibus: cum hæc ad suum opus explendum aliquod sibi deponant temporis spatium: sanguis vero simul accedat, & recedat, nullibi moram faciat, quo tandem pacto ad vitam hæreere, in illarumque substantiam abire & converti poterit? Rem propius intueri, non modo inutile est, sed more publicanorum molestam, & semper aliquid bonæ rei aufertem deprehendes. Hæc quippe est fluenis detrimento tandem aliquando casura. Finge autem non jam à qualibet parte sanguinem amore quodam, sui que tutandi causâ & necessitate delectum prolici: sed à Corde pulsùm vage currere, quæ pars eo inundante aut ex-

FAMOSUM fumosumque hoc dogma quanta in corporum natura, tanta in Arte Medica sequitur perturbatio, rerumque omnium confusio. Nihil enim amplius est in sanguinis missione præsidij, nihil in purgatione, quin illa corpus ipsum accendi, hæc verò inquinari penèque venenari consequens est, nempe cum à fuso sanguine, qui in venis superest, mole copiâque minor sit, & celerius moveatur, motuque ipso incandescat: & Cordis cava, sedem focumque luculentis caloribus, sæpius subeundo, novum calorem induat necesse est. Qui autem prius quasi sopiti valorum tunicis ad hærescebant fœdi humores, ubi purgantibus medicamentis operâ emoti, cursumque præterlabentis sanguinis sequuti in Cordis penetralia deducuntur, & ipsum inquinabunt, & similem reliquis subinde partibus labem importabunt: Sicque Medicis omni præstanti auxilio destitutis, morbisque ipsis, quos vel sanguinis fervor, vel humorum impuritas peperit, impune grassantibus, quam maxima mortalium strages edetur.

Non ergo sanguis per omnes corporis venas & arterias jugiter circumferatur.

DOMINI DOCTORES DISPUTATURI.

M. Franciscus Sorand.
M. Jacobus le Menestrel.
M. Carolus Briset.

M. Nicolaus Bonvarlet.
M. Nicolaus Rainssant.
M. Ioannes Grout.



M. Antonius Morand.
M. Ioannes Hamon.
M. Simon Boulot.

Proponebat Lutetiæ IOANNES CORDELLE, Hamus, A. R. S. H. 1670.